

Presidente di Parlamento Paul Croes

Renobacion di Sint Anna School ta muestra cu tin un desaroyo tumando luga den Noord



Riba e combinacion di potret por mira e tokenan final riba Sint Anna School.

ORANJESTAD —Parlamento di Aruba a acomoda fondo algun aña atras pa por drecha Sint Anna School na Noord. Presidente di Parlamento Paul Croes mes a acudi na e sitio pa wak e renobacionnan cu ta tumando luga na e scol.

RENOBACION

Tabata algun aña atras cu un situacion di mal tempo a ocasion un destruccion basta grandi na e scol. Tambe e barío a conoce varios destruccion.

E tempo ey Parlamento a dicide di uza fondonan di nan, pa por drecha e scol aki. Gobierno a cumpli cu e peticion di Parlamento y a percura pa e scol haya un renobacion completo. Menos cu un aña pasa e proceso di destaho a tuma luga, caminda e compania Bohama a gana e destaho aki. Awe e pueblo di Aruba y Noord por wak cu un compania a haci e trabou den menos

cu un aña.

TRABOUNAN

E trabounan ta terminando y dentro di poco e alumnonan por ta bek den e scol aki. Presidente di Parlamento Paul Croes a bisa cu e mes a bishita e scol di Sint Anna y ta un orguyo pa mira cu despues di hopi aña cu e scol no a haya atencion, awe por mira cu tin progreso. E localnan di e scol ta kedando cla. Loke cu Croes a bisa ta cu nan a forma parti di e proceso aki pa por a aproba e mocion pa renoba e scol.

PROCESO

Den e proceso aki Minister Arthur Dowers encarga cu enseñansa a haci un proceso hopi rapido pa por a cuminsa cu e renobacion di e scol na Noord. Croes a indica cu no solamente den Noord tin un cambio y tin proyectonan tumando luga, pero rond Aruba tin desaroyo. Aruba ta progresando y ta riba bon ca-

minda. Kisas cosnan por tarda un tiki, pero den caso di Sint Anna School cosnan a cana hopi lihe. Tur esunnan envolvi aki a traha pa e scol por a keda cla, pa asina e hobennan por a

haya les den dje.

INVERCION

E inversion cu a keda haci den Sint Anna School tabata di un suma di 5.2 milyon. E placa cu Parlamento a proba por medio di mocionnan cu a

keda introduci, awe por keda mira den e renobacion di e scol. A haci varios cambio na e scol y a percura pa modernisa e facilidadnan, pa e cumpli cu e cambionan cu ta bin den enseñansa den futuro. □